



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

6. Fames quantæ rei occasio ?

urn:nbn:de:hbz:466:1-45701

S. Augustin.
in Psal. 104.

nem Dei esurientem, utilis morbus, qui ad talem medicum ducit. Nam & fames veluti morbus, & cibus est instar medicinæ. Immo cum sit fames ex inedia contracta pernicies, inquit S. Augustinus, atq; ita sit in eis, qui eam patiuntur, ut aliquis morbus, ut esse desinat, fit plerumq; per medicamentum: sic & fames sanatur quodammodo per alimentum.

VI.

Ioan, Curo-
pal & ex co
Baron, tom
10. Annal
ad Annum
Domini, 845.
32.

Qualis fuit illa, de qua Ioan. Curopalata hæc refert. Anno Christi 845. cum intellexisset Bogaris Bulgarorum Princeps, mulierem, tenero adhuc filio, & ad sceptrum nondum maturo, Romanis imperare, audacia elatus nuntios ad reginam misit, per quos, se foedera soluturum, atque Romanorum fines inuasurum, superbe minitabatur. Sperabat nimirum insolens animus, apud feminam terrores, pro armis, futuros. Sed Regina nihil humile aut effeminatum cogitans: *Et me, inquebat, paratam inuenies, ad resistendum in acie, Deiq; nutu superiorem. Si autem (quod absit) victor ipse fueris: hoc quoq; pacto mea erit victoria: Uiceris enim non virum, sed mulierem.* Hæc verba tam animosa, quauis amentata hasta fuerunt potentiora. Nam ijs in ruborem datus Princeps ac deterritus quieuit pristinaque foedera renouauit. Quare ultro citroque legati, inter Reginam & Principem liberissime commearunt. Causa erat, quia ad Reginam quidem legatos misit Theodorus Cuphara cognomento, vir administranda Reip. utilis, qui ea tempestate, in Bulgaria captus detinebatur; Ad Principem autem legati mittebantur à sorore eius, qua in excursionem quadam capta, in regia commorabatur. Hæc iam pridem in suam salutem captiua abducta, Christianorumque religione initiata, & litteras edocta, non desistebat fratri identidem mysteria Christiana commendare, fideique semina in cor eius iniicere. Is tamen iam etiam antea à Cuphara sæpius eadem audiisset, saxeo tamen pectore diuina verba radices agere non sinebat. Quin neque tum manus dabat, quando, inita permutatione, & muliere fratri reddita, ac Cuphara Reginæ restituta, assidue aures illius iisdem admonitionibus pulsabantur. Tanti refert, animos recentes, vel vanitate, vel veritate imbutos esse, & præoccupatos. Cultui Deorum, cui assueuerat à teneris vnguiculis, vsq; ad extremum spiritum inhærendum pertinacissime existi.

existimabat, etiamsi contraria rationi magis consentanea indicaret. Sed voluit viciniam manum addere, diu frustra admonitō Devs. Vt falconem, aut asturconem, censuit domandum: aut, quemadmodum belli dux obsessam urbem, adegit ad deditionem, fame scilicet, qua totam illius regionem gravissimè afflixit. Ei enim cū remedium nusquam reperiret, æstimare secum cœpit, qua de causa, tam gravem & altam plagam diuina æquitas sibi populoq; suo fecisset. Ictus sapuit; agnouit enim, hanc esse dignā pertinaciæ suæ mercedem. Contempta igitur impia idolorum, vanitate, & ipse DEVM Christianorum in vota vocauit, omnibusq; sibi subiectis populis mandauit, vt ab eodem hominum nutritore auxilium implorarent. Audijt hæc vota DEVS, & famem depulit proscriptiq;e. Hoc tam luculento beneficio tota natio ad nostram religionem perducta est, & Princeps ipse, sacri baptismi aquis expiatus, ad Imperatoris Romanorum nomen venerandum, Michaël voluit appellari. Numquid huic Principi, & populis istis profuit esuriisse? Ionathæ, ob inediam, oculi caligauerunt; his fame oculi diuina luce fuerunt illustrati. Et quidem alij spem, alij temperantiam, alij aliam virtutem, omnes fidem famendo adepti sunt. *Famem diuturnam, ait S. Augustinus, in vsus suos boni fideles piè tolerando verterunt. Quos enim fames necauit, malis vita huius, sicut corporis morbus, eripuit. Quos autem non necauit, docuit parcius viuere, docuit productius ieiunare.* Ostendit id Diodorus Siculus, vel in profano rege Ægyptiorum Gnæfacto, qui cū in Arabiam ingentem exercitum duxisset, &, in desertis ac asperis locis, deficiente comæatu, vt stomachum latrantem placaret, vilem cibum sumere cogeretur, fallus est, nullum cibum magis iucundam vñquam fuisse, & ad eò quidem, vt omnem luxum damnarit; atque huius frugalitatis tabulam Thebis in templo Iouis poni voluerit.

S. Augustini
lib. 1. de ciuit.
Dei. cap. 11.

Diodor. Sicul.
lib. 2. cap. 1. de
antiq. urb.
Platin. lib. 2.
de optimis
ciu.



H

CAPVT